

四庫全書

集部

欽定四庫全書

東里續集卷四十

明 楊士奇 撰

墓誌銘

蕭孺人陳氏墓誌銘

吾舅氏有賢女嫁同邑桃源蕭氏為前監利縣典史德
賁之配年四十有一而卒既卒踰月其兄翰林庶吉士
孟潔其弟泰和縣儒學訓導孟旦皆在京師聞訃慟哭
失聲孟旦走告余余亦感悼泣下孟旦曰惟姊孺人未

有子嗣可哀惟姊孺人貞德淑行可重不可泯沒其葬也宜得文銘墓兄宜執筆焉余既屬姻戚且少學於舅氏後德蕢又請余教授家塾余知孺人之賢也孺人諱斗字叔魁姓陳氏陳故泰和著姓祖心吾先生為時大儒父孔碩母羅氏皆有賢德重家教孺人自幼端一柔婉在父母之側謹謹奉訓戒秉禮法佐母治衣服飲食之事皆如父母之意父母愛之年二十歸蕭氏蕭亦泰和東南著姓以貲雄一郡合族而居常數百人孺人歸

其家為冢婦孝敬儉勤於事上相夫睦親皆得其宜自
舅姑至於族姻之內皆稱曰賢德黃起邑學弟子負歷
事秋官數年洊涉崎嶇蓋資孺人左右之力居多至於
孝養繼母婚嫁孤弟妹鄉里皆稱德黃為難而亦皆稱
有孺人為之內助也生子男一人卒於殤女二人德黃
方未有後孺人悉力為之買妾平生賢行槩類此永樂
七年九月某日以疾卒是年某月日葬於桃源東五里
所松塘之原銘曰

有婉淑人有儒其宗其德靜貞其行肅雍孰不為婦其道何伊婉此淑人婦式儀之松塘之原歸焉永藏生乎止此存也其長

周母朱孺人墓誌銘

同僚友周孟簡致其從兄崇述之言曰述不孝不天先君子蚤棄背賴母孺人以克臻今日甫有成立母孺人遽不起嗚呼慟哉惟母孺人之德之行宜得文銘墓敢以累子余前旬浹間見崇述容色感然如有隱憂與之

言如罔聞者余私怪之訪孟簡其故而知孺人病崇述
絕酒肉晨夜致禱北辰以冀其親之安也而未幾而訃
音至矣孝子之慟宜何如銘固不可辭乃問狀於孟簡
孺人姓朱氏諱某朱故吉水側阜里望族祖父皆以善
稱孺人生而秀慧女工之事一見輒能之稍長知謹於
內外之辨父母愛之笄擇所歸以適同里周子正周亦
鉅族自宋以來為望邑中孺人歸為冢婦凡事舅姑佐
君子處族姻皆得其道舅姑安之而其家無長少戚疏

以至於臧獲皆譽道之綜理家事井井有章子正不勞
焉於祭祀賓客之具必豐於賑窮乏恤患難必厚而其
所自用衣服飲食甚儉教其子若婦以勤而必身先率
之子正蚤卒居孀有禮撫育諸子皆勉之問學而悉力
以資之永樂二年仲子述與其從弟孟簡同賜進士及
第授翰林編脩鄉人榮之而皆曰非此母安有此子述
既奉孺人就祿養京師甚適已而衆少子迎還養不已
孺人重違衆少子意強還猶顧謂述吾且復來述亦數

請而其衆少子若婦咸曰江湖二千里老人柰何數乘
危嶮卒厄不行其皆可謂能子哉固天以是報令人者
乎永樂八年二月十七日以疾卒享年六十有六將以
某年某月某日葬於某鄉某原子男五長崇訓蚤卒次
即述又次崇敷崇縉崇厚女二李民厚羅從廣其壻也
孫男二某某女五銘曰

禮謹辨內詩著宜家展也賢婦肅雍孔嘉展也令母報
施有子錫休垂祉來來曷已

倪母薛孺人墓誌銘

永樂十六年前兵科給事中倪峻奉詔諭占城王還道
聞其母孺人卒未葬哀毀不自勝匍匐趨復命北京遂
奏乞歸葬遂求余銘按孺人姓薛氏世家常州之無錫
父均序母吳氏孺人生元後至元丁丑四月二十三日
既長父母賢之擇配以歸同里倪文斯惇行婦道生三
男二女而文斯卒男峻誠端後皆有立女皆有歸峻明
經歷官郢城教諭沙縣知縣兵科都給事中文行政治

有稱於時已而奉命出使萬里外國持其身皦然衆蓋
謂有孺人之為母也孺人壽八十有三年而享祿養幾
三十年所得稱其所行宜哉其卒以二月二十一日葬
以卒之歲十有一月某日墓在其邑凱原鄉春申里之
原銘曰

坤道至柔靜以方有婉令人率厥行繡帔珠翟居高堂
堂中鸞鷟五采章乘時翩翩當朝陽慈顏愉樂樂且康
既壽考終卜斯藏山盤水迴土燥剛後百世紀益蕃昌

張母蕭安人墓誌銘

永樂十六年刑部主事吉水張宗璉扈從在北京聞其母安人之訃匍匐奔歸過南京奉事狀求余銘墓宗璉自登第入翰林與余游至於今十餘年凡其持身從政皆君子也蓋亦由成之於母故余不獲辭銘焉按狀安人姓蕭氏蕭故邑中儒家從學歐陽巽齋先生為高第曰定夫其曾祖也曰從大曰自敏其祖其父也登元至正辛卯進士第授湘陰州同知曰飛鳳其世父也母顏

氏父母無他子惟安人故甚愛之而自幼端重不肯縱肆惟日務女紅凡為之輒精緻湘陰家居教授安人自內習聞其教而益謹於禮度湘陰愛之擇配以歸同里張彥忱張世家於儒既歸歲中喪其舅即出資裝助襄事以孝事其姑以勤儉佐夫殖其家於處妯娌族姻下至臧獲各得其宜客至未嘗以空匱廢禮年三十有七彥忱疾既革顧安人訣且屬之養親教子應曰諾彥忱卒居喪盡禮於凡所以養姑訓子益嚴於彥忱之存也

得一味之甘必奉姑姑飲食衣服必躬治以進早暮必在姑所而委曲承奉焉故其姑雖老失壯子無有所不足姑雖沒歲時薦祭必盡其誠敬教子必以詩書為業必以不辱其先為務於論學問恒舉所聞於湘陰者為說平居督切之如嚴師故其子雖蚤孤皆力學有成其長子雖已仕於事君臨政必戒之忠與恕也初彥忱沒已終喪所親或諷之他適者毅然應曰若等不欲吾他日復見良人地下耶守節自誓益勵嗚呼若安人者於

婦道妻道母道可謂兼之矣蓋享年七十有一以五月初二日卒是年某月日葬里之月岡子男三宗璉宗珩宗瓚宗璉永樂二年進士翰林院庶吉士刑部浙江清吏司主事女二錢嘉謨朱肅儀其壻也孫男七頴頴顯頌頌頌頌順女孫六銘曰

其生其歸奕奕儒家有煒中閨其德之華維孝節慈鮮是蹈之嗟祿與壽匪是召之顯顯周行亦既有子後來繩繩代百其祀

故太宜人宋母孫氏墓誌銘

梁府長史宋子環之母孫氏以子貴封太宜人。之明年二月二日卒。孫世家廬陵金壁里有厚德。大父文璧父世良母劉太宜人。自幼莊重於食飲。絲枲之事治之。輒精。父母愛之時吉。水宋氏鄉名家。而若環英爽傑特。方喪其配張氏。遂以歸焉。孝養舅姑。事大小悉躬任之。姑病踰年。侍養憂勞不懈。晨夜姑沒哀毀。喪祭咸備。於禮樂澹素。持儉勤以相夫。裕家而撫張氏子。子琳篤於慈。

愛事諸母姑姊及待弟妹以下䟽而宗族賤而臧獲靡
不適宜孫氏父母俱喪遺二弟一妹皆幼取而養育之
長皆為之婚嫁可為周於恩義者矣夫喪又二十年為
洪熙元年賜誥封太宜人拜命之日子孫族姻序列一
堂以次上壽太宜人嘆曰天恩過涯分矣顧我何行堪
之惟我子我孫勉圖不忝可也又嘆曰誠愧我何行乃
蒙被恩澤踰越吾父母宗黨也然亦過自喜而親戚鄉
里亦皆謂在太宜人宜當得此也宣德元年春秋六十

有八卒將以是年某月某日葬郡西鄧山之原距其夫之墓若干步子男七子琳子璉子環子瑤子瑜子珥子璲子環永樂甲申進士翰林庶吉士吏部驗封主事考功郎中梁府長史能持身謹行女一張紹悅其壻也孫男十五女十王顯劉善其壻也餘未行曾孫男五女三子環奔訃歸且行奉左春坊左諭德兼翰林侍讀周述所述太宜人事行求為墓銘前二十七年余因大學士鮮公過宋氏識若環若璟之沒也嘗為序其哀輓之詩

子環仕京師又於予還往素厚而賢士君子之過廬陵數為余言子琳兄弟能孝且有禮而皆太宜人之教也則夫銘太宜人之墓也余不得辭銘曰

脩諸躬惠以肅施諸家孝與睦行有徵昭受福冠珠翟稱厥服內懷謙歆弗足裕來昆百世續

康母楊孺人墓誌銘

西昌之深溪里康母楊孺人永樂十六年十一月初四日卒其子民鼻具書使其弟民則走京師屬士奇銘墓

楊氏故西昌文獻家曾大父諱敬元贈富州尹騎都尉
弘農郡伯大父諱景行翰林待制朝列大夫致仕有傳
在國史父諱毅世稱武山先生明春兼擅兵畧元季
之亂州守辟長義兵有禦賊功母馮氏元進士翼翁之
女孺人諱榮溫惠貞靜不嚴而肅蚤喪其父母年二十
歸仲矩康亦文獻故家吳文正公高第弟子為慶洲書
院山長諱震稱匡山先生者仲矩世父也父諱開孺人
不逮事舅而事姑至孝姑沒佐其夫治喪祭如禮夫有

穉弟季望盡心撫育教訓之底子成立季望亦母事孺人終身不衰凡其家公私百需皆孺人綜理井井不紊五世同居爨六百餘指其尊卑貴賤驩然相親而截然無相越者蓋本孺人主治乎內也仲矩沒孀居二十年凡康氏事之是非可否皆唯孺人之聽蓋春秋六十有八而卒子男六民凱民勇民會民身民獻民則民凱民勇民獻皆先卒民會為從父伯頴後民則為季望後女一人嫁羅季脩孫男十有一人女五人其葬祔團箕山

其夫之墓孺人先諭德之妹士奇之姑也士奇仕於朝
數寓書致教愛之意嗚呼尚可復得哉故忍涕淚叙而
為銘銘曰

易著家人禮謹內治詩首關雎化本攸系教有弗行道
鮮舉之于舉于臆興衰是基孺人之行正家于中五世
一堂以肅以雍孺人之教慈孝友悌永世克承垂祚無
替

故孺人歐陽氏墓誌銘

宣德壬子勅封監察御史王讓父敬簡為文林郎廣西
道監察御史母歐陽氏為孺人又明年歐陽孺人卒時
讓奉命巡按雲南數月始克聞訃還奏將歸以父命奉
翰林脩撰劉麟應所述孺人事行求葬銘歐陽氏世家
安福其先與文忠公同所自出至孺人祖靜安父齊忠
皆隱居不仕孺人自幼備女德父母重之長為擇所歸
邑王氏其先與瀘溪先世同宗而世蓄厚德里稱王長
者家有子曰敬以好學見重鄉閭孺人歸焉即敬簡云

歐陽氏素富而孺人志澹素屏斥華麗事舅姑盡婦道相夫盡妻道躬勤治家舅姑喜施予畢力承志夫之從伯母寡居無子共養如姑三十餘年如一日夫寡姊無子守節不嫁白於夫迎歸養之如已姊有孤甥無依教育之如子夫喜賓客雖倉卒治具如禮愛其子延師教之奉師衣服飲食必躬自治而命其子進之他日讓奉賜勅歸致恩命敬簡及孺人拜受訖孺人顧讓曰父母何以能得此也汝始終不忝此官斯父母不忝此恩汝

懋敬之平居訓其子男必於學女及子婦恒以身喻之
馭侍婢隨事訓教未嘗稍厲聲色閨門之內肅如也宣
德甲寅五月初五日以疾卒享年六十有八子男六諷
諶讓詒諄諲讓由進士授行在廣西道監察御史廉重
有賢名女二歐陽文華彭丕續其壻也孫男十三倬倫
儋球僖仁佳像倣儕佶億侃女七曾孫男一恂孺人之
葬以卒之明年某月某日墓在邑之某鄉某原銘曰
生名宗歸名家孝與慈振德華養有祿褒有制慶綿延

裕來裔

右軍都督府左都督馬公夫人王氏墓誌銘

右軍都督府左都督馬公之配王夫人卒將葬矣都督公以其子麟等來拜請銘都督公簡靜和易謹於言行余與之同朝久且居相比兩家事皆相聞夫人之德允配君子遂按錦衣衛指揮僉事孫福所具事狀為叙而銘之叙曰王氏世家順義處士福慎夫人父也夫人諱惠友蚤有淑德父奇之相攸以歸同邑馬氏配都督公

公名亮字某夫人年十四為婦事太夫人孝曲盡愛敬
都督公已貴顯太夫人尚無恙夫人奉事益謹服食必
躬眎乃進太夫人曰左右無侍婢耶何乃過自勤夫人
曰豈為無人婦職應爾也太夫人數言願他日諸孫有
婦事姑皆如新婦耳太夫人沒於送終尤盡心其內佐
都督公凡家事皆自綜理而白其成而無一不當都督
公意奉天靖難之師出都督公在行夫人知其惓惓以
老母為心寓書告曰君自專意王事奉姑婦職也君無

慮焉於待宗姻馭臧獲咸當其分教其子恒曰吾家起
汗馬有今日汝輩須謹法度戒驕侈諸子亦克遵教令
正統七年七月七日夫人以疾卒其生以洪武十五年
閏二月二十二日享年六十有一子男四麟娶房駿娶
馮驥馭皆娶王女二長嫁保定右衛指揮僉事薛玉次
未行孫男女皆二夫人之葬以卒之歲八月某日墓在
懷柔縣東郭家務之原銘曰

婦也篤孝用相其夫母也篤教用淑厥家猗嗟令人備

于羣德既沒而寧返茲玄宅

故太安人竇氏墓誌銘

翰林侍講天台王一寧縕經踵余門泣拜言不肖孤不幸祿不逮養父猶幸獲養母然母年益高不可奉涉遠道今重不幸又見棄矣痛當柰何方母未病時孤凡再伏奏乞歸省侍屬時有職務未賜允今而後不復可見母痛當柰何惟先母之德之善不可以泯幸微惠執事銘諸其幽堂且以示其後子孫存沒有賴焉言已又泣

拜不勝哀余昔與一寧先君子監丞君峻用同朝有斯
文之舊今又與一寧同在史館經筵誼不得辭按一寧
狀其母竇氏以子貴封太安人竇故家靈壁其先在元
有官至萬戶者辟元季兵亂徙許之長葛遂為長葛人
父某母某氏太安人諱某自少有貞淑之行父母擇所
歸時監丞君為新鄭儒學教諭方求配遂歸焉躬勤婦
道逮事姑克致其孝內治其家條理秩秩監丞君嚴厲
或發之過恒和色以匡之有怨家竊燬學卷牘嫁禍監

丞君久不得白太安人擊登聞鼓訴卒白之監丞進國
子丞又進光祿丞賓客日益盛太安人率躬治具不厭
平居有膠木逮下之德愛庶子如已出督諸子學功倍
於父靜慎寡言言不及外事未嘗道人過失家人有過
不見諸聲色比隣女子竊家之藏子所私者其父弗察
意王氏臧獲欲執訴官或教王氏發其實者太安人不
可無幾事而鄰家父慙謝監丞君沒益躬勤儉力蠶績
督僮奴耕家更裕於祿食時族姻閭巷率視法焉子入

仕以守身守官不忝其先為訓宣德甲寅受封正統己未閏二月十二日卒於家享年七十有三子男四長一寧舉進士為吏部稽勲主事入翰林為脩撰陞侍講次鍾先卒次震次薊女二長適張次適周孫男若干葬以卒之歲十二月某日墓在仙居縣慶雲鄉陽填之原銘曰

坤體至靜其德方猗竇安人此其藏後有嗣之世今芳太孺人王氏墓誌銘

贈中書舍人金華陳誠信中之妻太孺人令禮部精膳
郎中景茂之母也以宣德四年五月十二日卒時景茂
在京師奉國子祭酒貝君泰所狀太孺人世出事情乞
銘歸葬景茂初舉善書至有旨令進其業於翰林後再
授官至於今皆就內閣書制勅與余同處蓋二十四五
年且其母出名儒君子之家故余不辭為銘按狀太孺
人姓王氏宋魯齋先生謚文憲曾孫與權之子性行端
淑善事父母時王陳居同里太孺人之父察信中有孝

行遂以妻焉年十七歸陳事舅姑如夫之孝事夫以禮處族姻待臧獲咸當教子能嚴恒勵之於學聞景茂選中應天府鄉試喜曰庶幾不忝父母治家躬儉勤以率下至老不變洪熙改元景茂時為中書舍人蒙恩贈其父以己之官而封母太孺人景茂今為郎中將考績如考最當進其父母五品之貴不遠矣而太孺人不逮蓋壽七十有五年其享祿養者十餘年其子孫曾男女森森列侍下可為福也矣子男五長景茂次子安金華府

陰陽學正術次可次文次冀先卒女一嫁王淵孫男七
有序有學有時有延有禮有濟有達女四曾孫男女各
一諸子將以其卒之歲合葬中書君之墓銘曰

其生儒家其行靜嘉受福既多從其君子永安於此

何母周孺人墓誌銘

吾友萬安何敬自牧登永樂九年進士第留京師是年
冬十有二月其母周孺人之訃至數日子往弔之哀慟
累然不能起又數日請於朝將歸縗經謁子奉其外兄

進士朱與言所為孺人行狀嗚呼泣拜且言曰願乞文
銘墓而益悲慟哽塞言不能出口予不忍聞受而答拜
亦不忍辭也按狀周氏為萬安著姓宋著作佐郎愚叔
數世至寔寔子均德皆為鄉碩儒孺人曾祖祖也父國
才蚤世孺人生而淑慧幼從姆師通小學孝經論語列
女傳諸書及笄歸同邑何玉彰何亦著姓孺人事舅姑
以孝稱時元季兵亂崎嶇奔走山谷間生計日迫而甘
旨之供未嘗乏也姑疾扶持未嘗去左右煑粥湯藥掃

除之事皆躬親任之疾劇額北辰願以身代姑疾竟瘳
舅沒于時甚艱窶盡力佐其夫理喪事不敢以簡時雨
雪沍寒積陰不解葬之日豁然朗霽人以謂誠意所感
歲時奉享必豐潔處昆弟娣姒怡怡然孤姪無依者皆
為之婚嫁家燬於兵後玉彰舉墜興廢悉復其舊孺人
內助之力居多性儉素綺繡華麗之物視之如不見年
五十喪玉彰孜孜以教子為要務親督其學不倦常語
敬曰諸兄承家事汝宜力學以成先志敬亦勉勉奉教

唯謹竟以科第發身諸子若孫森侍膝下皆恂恂無違
故孺人晚節益康豫年七十五卒永樂辛卯六月廿六
日也子男五最蚤卒遵欽恭敬女一亦蚤卒孫男四庶
直簡節將以某年月日葬于某原銘曰

婦道之良誠以為孝也母儀之方詩書以為教也既壽
樂康報施有耀也子孫繩繩於此乎視效也

康氏妹墓誌

亡妹諱靜端姓羅氏前進士德安府同知子理先生之

子母夫人陳氏而余之同母妹也先生居官廉潔家甚
貧吾妹甫睟先生坐累謫陝右母夫人育訓之夫人嚴
正於持家長兒女善秉法度吾妹天性純明孝弟又自
幼涵浸家教用克備女德年十八歸康仲璧之子彥英
為冢婦逮事其姑姑鄭賢治家秩然凡吾妹事長撫幼
處族姻及所為衣服飲食咸當姑意姑有所欲為必屬
之蓋終身愛重之不衰於內助彥英尤多訓飭其男女
務實去浮長子榮卅角從吾京師戒之曰必往務學但

視法舅氏母忝比歸視其寢有志卓立喜曰庶幾吾子也其婦道母道可以無愧矣若其安儉約率仁厚皆非由學而能榮已被薦召命下而母卒其卒以宣德丁未九月十一日距所生洪武甲寅五十有九年子男三榮脩幹女二孫男女若干將以卒之歲某月日葬某原於乎先夫人遺所生男女四人吾妹最小乃今最先沒故余聞訃甚哀而述其平生之槩使榮納之於墓

太夫人郭氏墓誌銘

都察院右都御史熊槩蒙恩贈其祖考某考直皆資善
大夫都察院右都御史祖妣某夫人封其母郭太夫人
制下之明年太夫人謝世槩具事狀請銘士奇於熊氏
父子有同郡斯文之好又與槩同朝其父之葬也嘗銘
之母之葬不得辭按狀郭氏故吉水邑西名族唐汾陽
王之後有官於吉者遂家吉水代有仕者元國子學錄
諱子冲太夫人之父也母陳氏洪武中浙江分水知縣
今封戶科給事中名伯夔者其兄也太夫人幼慧而端

長儉而勤年二十二歸同邑熊敬方敬方直字也敬方
幼孤從母適胡因冒胡氏太夫人之歸也遭家益落而
敬方致力學問且素志不在生業一切家事太夫人理
之而佐敬方於胡氏養父母克致其樂父母沒葬祭一
致其誠族姻閭里皆稱孝焉太夫人治家有禮內外尊
卑秩然不踰篤於教子恒指詩書諭之曰此汝家世業
曷可以墜敬方家居而從學者日益衆太夫人躬率子
婦旦暮其飲食愈久不厭槩既仕戒以守身愛人槩請

於朝得復熊氏喜曰兒能成父志矣槩厯中外皆顯官
迎太夫人就祿養者將二十年太夫人雖貴且老而康
和澹靜猶躬女事以率下見者靡不敬歎僚屬家亦有
化之者初褒封命下拜受已顧槩曰天恩深厚若不勉
務報效可乎既又戚焉語槩曰若父積善勤教致汝有
今日而不及親見我何德乃生被榮恩言已潛焉蓋敬
方捐館至是十有六年矣又數月語槩曰吾蒙福已厚
今老矣豈當尚滯遠鄉而不念桑梓哉汝惟務忠為孝

庶用光所生遂從少子歸吉水明年二月十七日以疾卒宣德辛亥歲也春秋七十有五子男四槃槃槃槃永樂辛卯進士擢監察御史歷廣西廣東按察使召為大理寺卿陞南京都察院右都御史有操有施為時重臣女一嫁徐彥襄先卒孫男十女七曾孫男女各一太夫人之卒也計聞上遣行人朱惟貞賜祭且勅有司營葬朝臣自三孤六卿以下咸致祭可為生榮死哀而非太夫人善德何以致此哉銘曰

維古女教有子道焉有妻道焉有母道焉維賢熊母三者克全既壽康寧光命自天熊母維賢沒且不泯

劉孺人墓誌銘

澄江之南沙溪里劉君玉武之配孺人嚴氏卒其子鈞以父命馳書北京求余著葬銘嚴氏故西昌大家宋元時資產之豐腴第宅之弘壯奕奕特出若詩書科第之盛具見譜牒及名公卿文集孺人之父文明先生宋秘閣校勘朴山先生肅五世孫孺人天資純粹和厚自為

子為婦為母家人未嘗見其一疾言一厲色初歸劉氏家良裕後數年坐稽徭役沒其產遂落孺人處之裕如辛勤佐夫植家服素食澹恬然自適於事長敬處族姻睦待臧獲如子凡所為表裏一誠蓋平生善德不間尊卑內外稱道不異卒於正統三年七月二十六日享年七十子男二鏞鈞女二長嫁楊炯次嫁蕭子理孫男二孺人之葬在其里興富之原士奇故妻嚴夫人孺人之同產弟也相友愛甚厚故以子妻鈞銘曰

夫也失賢婦子也失賢母靜貞有常厥德允茂尚有餘
慶武昌厥後

楊母錢氏墓誌銘

永樂十七年十一月八日楊母錢氏卒錢蘇之長洲名
家父國寶其笄也相攸以嫁同郡楊子允子允宋和王
存中七世孫篤倫誼有文學懷用世之志未遂而卒錢
氏婉而莊事舅姑極愛敬盡出貲奩佐奉養躬儉勤以
相夫裕家夫亡盡哭如禮而治家訓子益謹於夫之存

也歲時薦祭必嚴潔與夫之寡姊居相得如同產子翰
隸兵籍遷武昌奉母偕行始至家屢空母泰然未嘗動
意也春秋益高益康強和豫而自少至老秉禮度如一
日所謂恒其德貞者歟卒年八十有七子男二翰翥俱
溫雅有行義女二長適貴州宣慰司都事顧禮次適金
素孫男二女一翰翥以卒之明年某月日葬江夏長樂
村練林之原先事馳書京師求銘余前二十年游武昌
與翥交間暇過翥必升堂拜母母喜其子以文事會友

也待客久益敬自余去武昌所遇如楊氏一家慈厚孝友蓋鮮矣非本之於母哉銘曰

是為楊令母之藏後百千年無或壞傷

吳母葉孺人墓誌銘

中書舍人吳餘慶之嫡母葉氏永樂二十年正月二十
五日卒於家餘慶時在北京奔計將歸纓經奉事狀請
余拜乞葬銘葉氏家撫之宜黃系出宋侍郎某孺人父
諱某母某氏孺人在室其恒德之名聞族姻間同里吳

氏亦名家於葉有連為子擇配遂歸為吳某妻以孝事舅姑以敬奉君子以睦處宗族於治家勤儉於衣服饋食精潔而與餘慶生母余氏相親愛如同產夫嘗捐居側隙地畀從弟有竊言諸孺人曰柰何捐居地畀人也孺人曰畀弟宜也義不重於地乎言者為慚夫沒餘慶始四歲旦莫切切保孤子為務數顧余氏言吳宗數百年之傳在此可不重且慎哉子年七八親教之孝經論語稍長出就外傳則躬督於內及壯出仕猶數寓書誨飭

之可謂篤於母道者矣享年七十子男一即餘慶女二
皆有歸孫男四渙濬江瀚將以是年某月日葬某原銘
曰

孰不為婦識義者希孰不為母教有弗知懿葉孺人行
則兼有勒銘其藏表範其後

胡母黃孺人墓誌銘

中書舍人胡寓繼母孺人黃氏卒寓介其同官鍾子勤
余孜善來求墓銘按刑部主事陳或所述事狀黃世家

于漳之龍溪自五季迄元代有顯人父某蘊德弗試孺人諱某自幼性行端淑慎禮度而饋食衣服之事皆精時郡學訓導同邑胡宗華以德義自重而喪其室詹氏簡求賢配遂聘為繼室既歸胡氏婦德母道日益有聞於宗婣間詹氏男女皆四人而三男二女尚幼愛撫之甚於已出有言其過愛者曰吾過愛然後人無敢不愛宗華歲時薦祭用古禮孺人相事必誠必敬有歎其克孝者曰吾不幸不及養又敢怠於是乎宗華卒居喪盡

禮而自是以禮祀祖考以學勵子孫益嚴於宗華之存也家僅百口寒暑朝夕衣服之給必均賓客之奉必豐公私之需帑廩之出入井井皆有條理春秋已八十猶躬勤率下蚤作夜息以治女紅子婦屢請少休逸曰人道當爾也卑賤者或有過從容導使改行未嘗作於辭色家庭之中尊卑內外藹然肅然蓋年八十有三而卒男女皆詹出男伯曰賓先卒仲曰寓中書舍人叔曰春柳州府學教授季曰遂孫男八叙偉璜粲同喬敦某女

十曾孫男二女一諸子諸婦日致婉愉之養寢加而益
隆天倫慈孝自然之應夫何必已出哉其卒以永樂十
九年五月十四日其葬以卒之明年某月日祔葬訓導
之墓在南靖縣由義里鴻莊之原銘曰

維孝維慈女德之綱維雍維肅為家之方治家于殷士
或其難懿此儒人躬率之先亦既壽考而歸于全載覲
君子中心孔安

蕭孺人墓誌銘

吾友王嗣先既登第從事秋官四閱月聞其母蕭孺人之訃哭盡哀即日訴狀以聞俟命既三日成服詣余哭拜求為銘將歸納諸墓余與孺人長子敬先總角有同門之好今又與嗣先游於孺人婦道母儀槩有聞矣不可以辭蕭故廬陵儒家父恕翁孺人年十八其父擇所歸以嫁西昌王古平王家世亦業儒孺人既歸為介婦長事舅姑盡孝敬未幾遭兵亂艱難謹奉養之禮一如平時不懈舅姑雅重之異諸婦恒曰願新婦子孫孝敬

新婦皆如新婦之盡心於我也古平志恬曠不屑意治
生事其兄弟有相結數困辱之而取其貲產者古平悉
推讓與之終不以利疏兄弟之親蓋出於孺人贊助之
力居多其後家日益貧處之裕如而篤於教子嘗語之
曰盡力畎畝者匹夫之業耳盡力問學君子之事也汝
曹勉旃聞有陳心吾謝易闇前國子學錄蕭執三先生
者皆郡之通儒悉力遣其子從遊焉其子間以先生儒
者從外來孺人喜動顏色傾竭所有治具延之即抵莫

無復粒粟以炊不計也邑大夫聞敬先重厚有文舉為
吏里胥持牒數下求之愈迫孺人歎曰兒曹治經術柰
何從事刀筆發身哉言訖涕下如雨敬先懼走白其情
邑大夫邑大夫賢之更以為博士弟子員孺人喜曰此
吾志也數歲敬先以明經舉為郴州宜章縣學訓導考
鄉試於廣西被召預纂脩翰林嗣先登永樂十年馬鐸
榜進士克成孺人之志孺人皆及見之庶幾可無遺憾
者矣孺人他行可書不止此此特書其大者其沒以今

歲某月某日享年八十其葬在某鄉某里隴頭山之原
子男二即敬先嗣先女二長適胡次適周孫男四固駘
輅弁女四銘曰

孝敬之至夷險弗貳宜于舅姑也式惇友悌舍利取義
以相其夫也明識篤志成厥肩嗣奮乎詩書也嗚呼王
氏縣縣來裔仰止範模也

葛孺人墓誌銘

翰林庶吉士沈升聞其母葛孺人之訃請於朝將奔喪

馬持所狀孺人之行來求銘墓余與升同官禁林五年
不得辭按狀孺人之先宋南渡時有諱源者由相徙杭
之海寧世為海寧望族父某母某氏孺人生有令質自
幼謹女則年十七歸同邑沈某以孝敬事舅姑以勤儉
相夫而起家元季兵亂沈君適喪其貲孺人晝夜孜孜
治織經協助於內衣食其一家臨利必顧於義沈君有
異母弟嘗分財欲厚孺人曰兄者弟所依庇財奚以校
也沈君喜厚讓之人皆多沈君之義君素負氣剛直遇

不可意侃侃論辯見顏色孺人從容進曰德性貴有容
且非遠咎之道君感悟頓和易不與物競尤急於教子
遣從明經師學戒其必交勝已者嘗曰汝世家積善而
未食其報天道殆不爽乎汝等宜力去浮薄敦德崇義
以無辱世德其平生所行槩類此可謂賢也矣永樂七
年正月十八日以疾卒享年六十有二沈君與孺人同
生元至正己丑歲方老而失賢內助何以為情哉子男
三長謙次益次即升永樂二年賜進士出身授庶吉士

時朝廷興隆儒術簡拔雋茂將成之於古人之地升與二十八人者同受詔進學於翰林庶幾所云食報者乎將以是年某月日葬孺人於邑某鄉某原銘曰

士老而失賢婦子貴而失賢母嗟乎德之浮於壽也固將昌其後者耶

顏孺人墓誌銘

太醫院御醫盛起東之配孺人顏氏既卒將葬其子儼以其父所述事行介翰林編脩周功叙來求為銘按顏

故蘇之鉅族元季有諱天澤為義兵萬戶能庇其鄉里
免於兵禍其子諱濟孺人之大父父也母韓氏孺人諱
妙定字懿貞生有令姿讀書涉大義自少以孝得愛於
父母長為相攸是時郡名家宋盛文肅公裔孫稱寓庵
名篤學有家範其子景華尤以好義樂善聞於鄉遂以
孺人歸景華之子即起東也既歸不逮事其姑佐其夫
孝養祖與父皆得其懽心而處妯娌和以謙待下有恩
躬儉勤以裕家事大小必咨稟於家之尊長蓋自其家

之尊長至於族姻皆稱其賢無間言起東縣郡醫學官
擢御醫留京師即遣子儼往省且寓告曰士出仕即鞠
躬一志奉君上不宜以家事雜思慮養親教子孫我皆
任之儼至京甫一月孺人之訃至矣蓋其卒以永樂辛
丑某月某日其壽四十有七年其子男五儼侶似僕維
壽女三長嫁莫翼次未行其孫男二壽安福安女一其
墓在吳縣胥臺鄉黃山之原葬以卒之明年某月日銘
曰

溫恭靜貞其躬之華惇孝與睦式昭於家忠信相成君子之嘉於世幾何遽沒興嗟鬱鬱丘墳黃山之阿勒銘諸幽永終不磨

劉母王安人墓誌銘

大理寺丞劉英聞其母安人之喪將奔歸自述事行請著葬銘余與英同郡素還往不得辭按安人姓王氏吉之廬陵人父本達深於醫母某氏安人諱菊英自少清姿淑行父母相攸以歸同里劉仲倫時仲倫祖父母父

母皆無恙安人共養致孝皆得其懽心惇睦宗嫻內外
無間言治家事有條理仲倫嘗舉孝廉任知縣安人留
家居養親益篤飭勵其子於學曰非是將來何以立身
撫孤姪男女如已出咸以時婚嫁闔門老穉咸疏下至
臧獲五伯餘指衣服飲食之給各當其分舅姑沒相夫
盡誠葬祭而居喪有禮英官於朝賜勅封父儒林郎大
理寺右寺副母安人鄉里榮之安人後儒林卒之四年
亦以疾卒正統己未三月十四日也享年七十有六子

男二長即英舉進士今為大理寺丞有才行娶胡繼王
次俊娶蕭女四王志端蕭禮獨景其壻也季蚤卒孫男
七元亨利貞仁義春亨先卒女六曾孫男女各一英等
卜卒之歲某月日奉安人合葬於里西原山儒林君之
墓銘曰

孝敬以處下堂柔淑以婉君子也服勤以裕家推美以
濟匱也騰聲蜚華嗣克振起也壽富考終顯顯蕃祉也

康孺人墓誌銘

從兄思貽先生沒之九年配康孺人亦沒春秋皆八十
有五子時在北京聞訃驚慟蓋予與先生皆少孤無他
兄弟兩人最相親厚自予仕宦不至家者四十年三年
之前始蒙恩來歸時思貽先生沒已六年初至郊拜其
墓豈勝悲慟然及家拜康孺人猶幸如見兄之存也予
留家月餘即行又三年孺人沒矣哀哉康氏家邑西郭
文溪之上父天得母劉氏宋進士簡子之後有賢行孺
人諱壽慈惠溫淑年十九歸楊氏為思貽先生之配先

生諱肇字仲基家初甚貧而卓特有立志孺人安其貧且力助於內家日用裕於處宗嫻長幼咸盡其分先生嚴於教子孺人承意而善誘於內恩義兼盡長子仕京師迎父母就養先生與孺人偕至同列榮之年七十有六先生捐館孺人益謹禮度而訓飭子孫不倦雖老康寧和豫正統七年四月十九日沒子男五長相舉進士翰林庶吉士刑部浙江司主事先三十年卒娶廖孀居守節事姑能孝孺人甚安之有司上其行詔旌其門命

下而孺人不及見矣次旅娶蕭先卒次弼國子監學錄
次鶴次艮弼鶴艮皆娶蕭女一嫁蕭頌亦蚤寡守節孫
男十四奕真畬翹經軾翹畿縉翹峻昀紳昧曾孫男二
孺人之葬以卒之歲某月某日銘曰

先望之明顧言思貽其年與祿當過吾儕嗟嗟思貽
允若所期嗟康孺人福與之偕猗歟休哉

兵部主事劉君妻安人陸氏墓誌銘

兵部主事劉鉉宗器奉命脩實錄從余在館閣一日以

疾瘳過余其色戚甚問之曰鉉妻陸氏死矣其賢有可哀者幸先生賜之葬銘猶不死也遂弔之且問陸氏之賢之實曰陸蘇之望族累葉皆業儒於鉉之先世有姻好鉉妻之父用儀教授於鄉鄉才俊多出其門母許氏鉉妻自幼淑慎於治女事衣服飲食皆如法父訓之小學女誠即知佩服稍長屏去華侈奩具悉推讓女弟歸鉉不逮事舅姑而事鉉兄嫂加敬慎處族嫻良厚自歸鉉其心未嘗一日不在父母之側居北京將二十年雖

時寓土物上奉而每嗟嘆何繇得一日在侍下也輒泣
下不已及其將卒也無他言惟以孤父母恩為不能瞑
目地下平素存恤窮濟急之心隣有衛卒入直惟婦守
舍闕盜竊其皮裘者婦懼責欲死子之直俾市焉闕

而產者寔甚頻予薪粟又作緼綵遺闕有闕

痼莫容舍者鉉哀而舍之會鉉及子病俱困闕人言於
鉉妻曰此舍吏之過宜亟遣之答曰始哀其窮而舍之
今遣之何歸人不各有命乎不聽已而鉉父子俱瘳鉉

妻之行槩類此朝廷以鉉之久於職也賜之誥命并封妻為安人嗚呼鉉之妻可無遺恨獨恨鉉中道失賢內助且三男二女蚤夜栖號啼無恃鉉不忍聞此其所以為必請銘以庶幾慰生者而不泯死者也士奇聞而憫之宗器又曰鉉妻年才三十有九其卒以正統二年二月三日其葬以卒之歲某月某日其墓在長洲縣武丘鄉袁巷村先塋之側其子男澄瀚許女安清安正遂為之銘曰

貞孝之履惻隱之施吉壤斯藏永綏來裔

鍾母郭氏墓誌銘

中書舍人鍾子勤聞其母孺人之訃亟請於朝以歸將
歸求余文銘墓余與鍾氏居同里且與子勤游其弟子
勉又余舅氏之壻也故孺人就養京師時獨數與余家
往還時孺人年幾七十而康健和豫類五十許人洪範
以康寧為五福之一孺人其幾之矣孺人姓郭氏世泰
和人父某年十八歸同邑鍾原英生三男一女三十有

四年原英卒居孀守節治其家一如原英之不亡也教其子以善植身受學於里明師所以事其師之禮甚厚倉卒賓至質釵釧具酒饌惟恐不及子勤由鄉校升太學永樂元年擢為中書舍人人咸謂孺人之所成也明年子勤迎就養孺人居京師歲餘遽歸歸歲餘以疾卒永樂丙戌六月某日也生元後至元己卯某月日享年若干孺人稟慈善之性事上待下罔不謂宜尤急貧困樂施予觀其終身所得要不止康寧而已男子猷次子

勤又次子勉女適郭某孫男某某將以某月日葬於某鄉某原銘曰

陶士行之貴也稱其母氏鍾母其於湛也庶幾是似將其後之昌也固有所自耶

劉母曾孺人墓誌銘

孺人諱德柔姓曾氏故吉水望族父太永孺人自幼秀慧貞靜諸女兄弟皆不及父母愛之曰此不可以配凡子及笄嫁永豐劉季道劉故詩書家元貢士撫州路儒

學教授諱奇相季道父也季道諱宜正博學守正孺人
既嫁有婦道理家政井井有法季道以明經舉為起居
注陞浙江按察僉事坐累至京師病卒而旅殯焉孺人
挈諸幼自浙江抵金陵廬所殯之側暮年乃克啓殯負
骨歸葬故鄉自是以教其子不墜其世為務嘗取季道
所遺書示諸子曰是爾父所用起家者奈何不勉諸子
就外傳歸輒察其所誦習稍不習即怒曰是將墜其先
人者矣諸子懼不敢怠既長皆明經為鄉塾師子欽選

永樂元年江西鄉試第一二年廷試賜進士出身授翰林庶吉士得七品祿迎孺人就養四年七月庚寅以疾卒享年七十又八子男三人長曰忠次曰勗季即子欽女二皆嫁士族孫男十一人曾孫男一人子欽將奉喪歸擇是年某月日葬某鄉某原先期以狀請銘曰
少為賢婦老為賢母而卒于壽曷以銘之永利厥後

王母張氏墓誌銘

永樂九年夏子兄仲基來京師語鄉邑親戚故人近況

曰王存性恂恂守儒業無外慕之意愈益恭慎可重存性吾姑夫羅孟弘先生子壻不見之十餘年間家兄言竊甚喜家兄又出存性所狀其母之行曰其志必欲託汝文銘墓汝其銘之以子之行如此固宜為其母銘矧母自有宜銘者乎按母姓張氏其八世祖湖南觀察使汝明顯於宋自是世為簪纓家至其祖某父仲晦皆隱德弗耀而其同產兄弟三人所性嘗為龍南縣學教諭所志為毫縣主簿所從道州知州其家世如此既并歸

同邑王以誠能以孝奉舅姑以恭巽事君子以勤儉殖家祭祀賓客之奉必誠必腆元季以誠嘗為千戶所吏目被省檄捕盜每為好言勸以誠毋妄殺庶幾福善之應教子以讀書立身為要收育遺孤子皆至長有室家推有餘以濟貧乏久不怠其為行又如此既老屢受朝廷養老之賜後以誠卒之若干年以疾終蓋永樂三年三月某日也享年若干子男一人存性也其葬在某鄉某原銘曰

其出之良其行之減銘于其藏庶幾不亡


蕭母張氏墓誌銘

吉水蕭士柔狀其母之行走京師介翰林檢討鮮榮求
文銘墓余辭焉鮮君曰孝子之志也乃為按狀叙次銘
之蕭氏系出南唐御史大夫儼世家邑倚富為大族儼
十五世至某生師文士柔之父也士柔母諱某同邑張
某之女張故簪纓家母少聰慧端靜稍知書習禮教年
十七歸師文為繼室事舅姑謹婦道舅姑甚宜之姑疾

惡力奉侍久弗懈治家辨內外序長幼睦族姻粲然可
紀尤勤儉善規置佐其夫祭祀賓客伏臘之費恒有餘
裕元季所在寇盜充斥師文團結壯勇保障其鄉而寇
猝至師文率子弟族人出禦之弗敵多戰死寇將及門
毋倉卒脫簪珥買舟攜其娣姒姑婦出避曰婦人不可以
辱也年四十師文卒居孀循禮以教子為務自舉列女
傳以教諸婦買田八十畝遺子孫供祭祀曰無使後世
不知重本也常戒諸子曰若祖及父積善累仁若等宜

紹先志母苟循俗好以羞前人諸子亦皆謹謹服膺母
旦暮坐堂上諸子若孫森森序列具甘脆奉觴上壽愉
愉然樂也翰林學士同邑解公嘗過而榮之題其堂曰
春暉朝之縉紳大夫皆為之文永樂六年九月二十四
日卒年七十有一子男四人士益師文前室子先卒士
秀士郁士柔女一人適周寶孫男九人以卒之明年某
月某日葬於其里株木塘之原銘曰

德脩于身施于閨門已乎九原史氏有文詒其後昆



東里續集卷四十

欽定四庫全書

集部

東里續集卷四十一

詳校官檢討_臣羅國俊

中書_臣劉源溥覆勘

總校官進士_臣楊懋珩

校對官中書_臣楊世綸

謄錄監生_臣王增閔

欽定四庫全書

東里續集卷四十一

明 楊士奇 撰

墓碣銘

蕭時用墓碣銘

洪武己未十二月某日吉水蕭時用卒明年某月某日
葬其里黃家塘之原又二十九年為永樂丁亥其子公
騰奉其姻家夏侯時雨所狀事行走京師介余友禮部
主事尹昌隆求文銘墓余辭之而求益固於是三復其

狀作而嘆曰嗚呼士處邱園幽寂無事之際恒自詫其
才藝可以試於時朝試而夕效及其沾一命領一職巽
與蓄縮無分寸之施或至於自償其身為世僇笑若時
用者未嘗有所自道亦未嘗沾時一命而平居綜理公
私百務井井有條理可觀而年三十有九以卒甚可惜
也夫時用諱士益系出南唐御史大夫儼曾祖季章祖
德祥父師文時用瑰瑋尚志居家孝於親元季兵亂悉
喪其所資皇明混一海宇走江湖治奉養之需家用饒

裕縣令丞推擇長萬石是時公府百役之費皆出萬石
長他萬石長往往以私賄致破滅時用攄勤致公道民
以義而規措有法民皆自勸率出布供公上以為當然
由是郡縣皆以為材而民親見他萬石長縱私害民而
已無害無不愛願之者其所能大率類此舉一可知已
所居有園田之樂作塾館禮致文行之士為子弟師不
間踈戚遠近即有急赴之惟恐不及娶戴氏子男二公
騰公蜚皆克樹立女一適張東興孫男三賢良裕銘曰

驥駿良兮弗駕而羈彼驚弗任或大路以馳嗟嗟時用
孰不用時遽止於斯藏於斯兮

許忠信墓碣銘

許氏故襄城鉅族代有顯仕至元曰居敬者始不仕而
隱於耕徙家汝水之濱相土建宅引泉為池環植柳數
百株而教授其中鄉人高之號柳陰先生五子皆以誠
字之曰此人道之本也五子亦克謹父訓第五子守誠
生忠信諱某儀貌魁偉資稟淳厚而剛方自持世其祖

父業非其人弗與友非其義一毫不以苟取郡縣推舉
耆老自守令以下率從咨政焉治家教子皆有方或學
或耕各稱其才而授之歲壬午某月某日卒春秋七十
有四葬某鄉先塋之次娶王氏柔惠端淑相夫之政於
內克恭以勤訓飭其子若婦嚴於禮度以義處事以恕
待其少者賤者享祿養十餘年永樂十七年某月日卒
於北京春秋七十有五其歸葬也從於夫之墓四子長
曰綱次曰英好學而文洪武中舉孝廉授延安府葭州

稅課使卒於官次曰廓由鄉貢累官工部侍郎次曰良
蚤卒孫男若干至是廓涕泣謂士奇曰惟先考妣棄不
肖孤今墓木鬱然為林矣而墓石未有刻文將先德何
以光昭而不肖孤何名為人子也遂出所述事行曰願
徼惠於執事士奇不得辭為序而銘之銘曰

許氏之宗肇出於姜太岳之裔繇周啓封介汴及潁許
昌是居入於春秋不一其書涉漢沿唐益蕃以敷簪纓
之華代有譽望元之中葉始歛弗揚秉德執行表範邑

里既其子孫咸襲厥趾嗟忠信甫既肅且溫有婉於中
允矣令人亦既有子善慶斯徵際時顯庸式光所生墓
門有石紀行琢詞雲仍來來世篤弗隳

周處士墓碣銘

泰和邑之南雲亭之鄉大原之里有處士曰周叔京先
生學足以究經行足以表俗而沒廿有八年未有發諸
潛德者仲子和始以狀屬諸士奇按周氏里鉅族故富
於貲至所敬甫尊賢禮士不自恃其貲傑然以行義為

豪先生之考也母蕭氏兄弟四人其三先生也諱西叔
京其字幼而秀穎端重長而喜學問從明經師蕭尚仁
受毛氏詩駸駸見端緒矣而喪其父哀毀葬祭一中於
禮已而兵亂作二兄相繼歿盡力教養其孤底於成雖
亂離奔竄與季弟養母盡愛敬其孝友蓋天性云執守
確然不以纖芥利欲之念置其中閒居飲清茹澹讀書
教子或攜朋從相羊山水之間悠然自足嗜為詩雖紛
冗不廢吟咏尚書劉公嘗序其集洪武丁丑子昂為興

平縣學教諭迎就養先生亦樂一遊關中以弔觀古人
之遺跡既至數日得疾遂不起九月十四日也疾且革
顧昂無他言惟曰詩書可以承家忠孝可以立身而已
春秋六十有三娶陳氏元潮州路儒學教授以道之子
先卒子男二長昂選鄉貢兩任教諭陞台州府儒學教
授以卒次和以父命為叔季中後舉明經歷醴陵新樂
二縣儒學訓導女二劉士鴻劉士堅其壻也繼室蕭氏
子男二賀贊孫若干初鼎奉先生之喪歸葬未叶吉卜

今和將改葬於隆八仙之原而奉陳孺人祔孺人先待
制外孫於先諭德兄弟也士奇少時屢親炙先生又聞
諸父道先生平生尤詳故撮其槩述之而為墓之銘曰
清泉兮白石蒼蒼兮松栢思君子兮夙昔雲乘風兮西
飛忽復兮東來悲君子兮不歸白日上暉兮黃壤下翳
千歲之後兮庶將化而靈瑞

柴處士墓碣銘

洪武乙亥九月廿七日錢塘柴處士卒明年葬餘杭厚

郎山之原後廿有九年為永樂甲辰某月某日其配嚴氏卒其孤魯車奉以合葬於處士之墓車遂以狀求余銘墓余嘗聞處士之義於士大夫間而車嘗佐藩政吾江西也江西之人至於今稱之余故受狀而不辭柴氏世家錢塘靈芝鄉之義溪里祖某父某皆富而樂善處士諱望字宗禮幼而岐嶷比長用志於學時廬陵李中伯叅議浙省喜造就後進處士徃從之李公深見器重屢欲薦用之固以親老辭自是唯養親為事名其退休

之居曰芝隲草堂讀書教子其中恒誨其子曰植家本
於農植身本於學無用他求也泊聲利里俗重浮屠老
子法絕口未嘗及性和厚公方人有忿爭不平者導諭
以禮強梗弗率者裁制以義一鄉賴焉急人之急如飢
渴初王師下閩清流縣賴氏母被虜其子求之四方十
數年遇諸杭而貧不贖則日悲號於路處士聞之為言
於上官卒迎以歸處州進士金觀僑於杭與處士交觀
貧有母處士給田以資其養觀母卒觀以哀毀亦卒觀

妻又繼卒而子幼不能葬處士悉為備棺斂而經營以
三喪歸葬金氏先塋之次又教育其子底於成立史官
蘇伯衡徐一夔皆特書其事以傳所為義舉槩類此喜
交際縉紳君子過其門者無虛日天氣融霽則招朋徒
相羊名山勝水之間興有所適或旬浹忘返翛然塵氛
之表也嗚呼以處士所存所能使用之於世何往不宜
而獨布衣以終非自求其志者歟春秋六十嚴氏同里
人柔婉慈惠族姻皆稱其賢春秋八十有五子男三長

愚處士卒之歲亦卒次魯次車起家鄉貢進士兵部職
方郎中江西布政司叅議岳州府知府復入為職方郎
中材行為時所重女一歸許氏孫男六振援拯拱抃拭
女三銘曰

夜光之珍潛於淵兮合抱之堅藏於山兮世莫之求式
全其天兮含章返真德人之全兮

黃處士墓碣銘

處士諱生字宗道姓黃氏世家建寧高祖諱某仕元為

建寧路總管金牌千戶有厚德曾祖諱仲賢祖諱志可
父諱原振皆懷德弗仕母魏氏元鎮國上將軍福建宣
慰使天祐之女處士幼有令質四歲能誦詩父奇之嘗
曰興吾家者此兒也七歲出就外傳日記數百言長而
博通諸書尤明於易至於陰陽卜筮醫藥雜說亦皆涉
獵而孝事父母生養死葬靡不竭盡於其弟宗錫友愛
甚厚宗錫蚤卒教育其遺孤長為之婚一如己子族人
之貧而凍餒或生不克婚嫁死無以斂葬者皆賙之推

而調其鄉里亦然臨利能讓喜愠不色見闕一軒多藏
古書名畫軒前植竹數百挺日焚香清坐其中吟咏自
娛或勸之仕曰自顧其何所取材且幸有少園田足為
仰事俯畜之資敢萌非分之意哉有舉其材於天官者
符下引疾辭平生所著有竹軒吟藁藏於家歲辛巳五
月十九日卒年嘗慨師道不振學者日趨於簡陋至是
毅然自任嚴約束諸生而身率先之於道德性命之旨
正心誠意之方為之開諭反覆詳明而常戒以敦本務

實學正學為正人無徒苟事文藝為利祿計至評論古今
人才賢否亦必以此諸生翕然嚮服退而相率遵承先生
之教不可以違有過更相責善惟恐先生之聞之也先生
孝友恭儉出乎天性一言一行皆以誠為主動循禮法布
素泊然家無餘畜非賓客不兼味非其義一介不取而輟
已以調族姻振匱乏者常如不及介然特立同郡名德宿
儒惟梁孟敬劉仲脩胡行簡張美和聶器之相與為莫逆
交洪武己巳五月留郡庠顧次子行曰明日之夕吾其死

乎得微疾諸生進醫藥先生止之曰命矣時長子幼孜從學二百里外獨行侍側先生手書四十字詩一章示幼孜書遺命數事示行又書四十字詩一章謝素所往來翊日自題其神主付諸生使授幼孜晚沐浴更衣端坐至夜二鼓卒春秋五十有七所著詩文有湄湘橐若干卷藏於家幼孜舉進士累官至翰林學士兼右春坊右諭德永樂十年先生用子貴詔贈奉直大夫右春坊右諭德云贊曰

余與幼孜同官嘗讀先生之遺文淳厚古雅藹然有

德者之言又讀張美和叙列先生行事一本道德仁
義之意余未嘗不徘徊向慕有高山仰止之心焉至
其門人學者余徃徃遇之能道其師之教而考其持
身蒞政皆足以發所謂師道立則善人多惜乎先生
之教僅施於一郡而已也乃若其屬續之際明於幾
先從容綽然非篤學所至哉士苟用志於內以致夫
誠明靜一之功則自然必至之理矣其待以他求乎

南耕先生傳

南耕先生者姓許氏諱洪字彥章吉水人世業儒伯父
中孚通伏氏書南耕傳其家學有孝行兵亂父母逃避
山谷中採拾以備養未嘗乏也母病躬侍湯藥不解帶
者二旬病劇顙北辰請以身代親沒居喪盡禮事其兄
彥良極友愛平居飲食衣服必先兄兄老出入起居必
躬扶持之洪武三年舉明經授橫海衛知事調英武衛
兩衛皆在京師號繁劇凡簿書調發出納勾檢會計之
務皆知事所治南耕從容未嘗動聲色而集事嘗為諸

衛先安慶侯仇成時為橫海指揮特敬禮之陞浙江行
省檢校省務益繁而官不備滯牒山積南耕兼署六司
居數日裁決悉盡朝廷遣使督事省中省中寮屬悉趨
謁南耕以事後至使者怒臨以威南耕不為動徐為片
言復之使者愧服降堦執手謝曰吾過矣吾過矣紹興
倉奸弊久劉之先有仕南唐者由金陵徙吉水擇勝而
家巽湖之上所從來久矣至明翁為郡學教授子深甫
之曾大父也大父信卿以行義與鄉名儒歐陽師尹先

生相厚父天性號東山靜隱東閣大學士吳公沉為之
記其卒也翰林學士解公縉為之銘墓子深甫諱會幼
端重不事嬉戲初入小學即知謹於事長十餘歲從學
鄉先生胡時中而與西澗熊公為同門相與講學日夜
淬礪不懈惇孝友父及兄子謙相繼數日卒哀毀幾絕
終身慕不衰從弟子淇奉命使山東病久不愈聞報馳
往視之扶持醫療竟不起遂以其喪歸而撫育孤姪必
底於成立女兄之夫郭子澄遊蜀不歸走萬里挾之歸

歲時嚴祀事先墓祠在南山者增脩之益以田園林沼
襍植菓茶環祠下西澗為作祠記祠傍構屋數楹以儲
經史榜曰耕讀解公為之記若文穆胡公庶子鄒公皆
於子濂甫有文字之好子濂甫雍容儼雅喜為詩情之
所適率形賦詠賓客至者必傾寫盡懽晚歲課子孫詩
書外餘事一不挂念慮人以悠然號之雖耆老之年鬢
髮如漆無一莖白者蓋年六十有九而卒其卒以宣德
丁未十一月廿一日娶同邑胡氏慈愛勤儉式配君子

子男四鐔永樂乙酉中江西鄉試明年禮部會試中副榜歷沛上海連江三縣學官鑄銓鑽咸克幹蠱如父母之心女一歸韶州府通判夏敏求孫男六士準士謨士式璋孫璉孫琦孫女六曾孫男二鐔嘗脩永樂大典在翰林於予有同郡之好非一朝夕子淑甫之葬也其素所相知如解胡熊鄒皆先卒莫為之銘於是鐔以屬士奇為之銘曰

遭時清明弗騫以升處澹安貞在郊與垌優哉游哉全

歸以寧

劉性字墓碣銘

吉水劉昭為通城縣學訓導陞清河教諭能以師道振
起學者既去則所嘗授業者皆思慕之不已以是見重
士大夫而於余徃還昭喪其父服闋謁選京師遂求余
銘墓時余有公務且病求文者率辭之而不忍辭昭按
臨江府學教授胡瀨狀劉氏始自安成徙吉水之繞源
里於今廿餘世族益盛其曰煥文號竹逸者富而樂施

七子其六曰廷剛有介直之行五子其長昭之父也諱
全字性宇甫亂兵亂作隨父母走匿山谷亂定歸則家
蕩然無以自資然且汲汲佐父理先塋脩祀事為重弱
冠父沒奉養母曾撫四弟二妹盡孝友力農作久而家
益裕則推其餘以賑宗族鄉黨之匱乏其厚倫誼公是
非好賢重士皆出於天性教子孫必務學曰吾少壯多
故不遑及今老矣汝曹幸生長太平勿自棄也躬走閩
中市書籍以資之子孫有以明經中鄉舉者輒喜色溢

眉宇曰庶幾成吾志也嘗乘扁舟遨遊江湖騁眺覽自適而非以利焉卒於宣德己酉二月十四日享年八十有四娶蔡氏邑名家相其夫事親睦族訓子植家咸有可稱其卒先夫之二年九月十五日享年八十有一合葬西塘之原子男六良恭倫興昭節昭永樂甲午中鄉試明年會試中副榜遂除通城令調福清教諭興節皆先卒女一適杜克勤孫男十四言哲睿依定顯學智式堅武祖回祖復祖寧祖哲中廿一年鄉試女八曾孫男

六銘曰

處之幽行之脩澹其休休有淑者速合璧乎斯丘

李處士墓碣銘

前監察御史李叙之大父處士君既沒而葬廿有九年
未有銘介吏部郎中黃養正以給事中吳澤所具事狀
來請李氏其先汴人五季時徙睦至宋諱舍者又徙婺
之東陽遂世為文獻家舍處士十一世祖也其後有正
節侯誠之太常博士大有工部尚書寶謨閣直學士大

同工部處士之七世祖也曾祖景魯封樁庫大使祖宣父仁母蔣氏皆有善行處士諱道琬字均與天資和厚孝事父母讀書通大義治家有條理睦宗姻處鄉里咸盡其分家故饒貲恒自念吾幸藉先人垂慶溫飽有餘顧今所乏者在力善以承先志日勇於義事嘗於紹興道中得白金百餘兩封緘固密曰此行道者所遺也伺人無至者暮持歸寓舍明旦復持至所得處而遺者亦至驗其實還之遺者拜請處士姓名不告而去有載米

詣處士糶者已償直去處士復計直多米百餘石追糶者而償之鄉人號處士長者無間言沒於永樂三年七月初四日春秋六十有五葬其邑甘泉鄉靈應山之原配蔣氏繼曾氏子男二嘉熹女一適蔡孫男五叙巖岳密學女一銘曰

奕奕吾先匪德曷嗣綿綿吾後匪德曷遺其存之仁其施之厚士奇銘之式視悠久

故餘干知縣蔡君墓碣銘

前四十年余客游武昌時四方俊彥同客者大同張從
善四明蔡用嚴吳中尤文度楊仲舉天台曹興成皆闊
畧有雅度及予皆少壯以文學相契相切礪相親厚如
兄弟一無所外慕用嚴有樓居園池在叙功坊邀予同
止宿者三閱月日共蔬食水飲相講論吟詠夜抵足共
卧或夜中人靜用嚴輒起坐就床帷焚香取琴著膝鼓
一再引予歌枕賦詩雞三鳴乃已而熟寐至日東出丈
餘始興當是時意氣放浪散逸而安知有貴富賤貧憂

虞事哉後數年各東西散去亦皆為時所迫奔足效用
不復能遂閒曠之適今謝世者過半矣獨仲舉與士奇
在兩人每相聚道及往事未嘗不同感愴也用嚴沒二
十年其妻王氏以用嚴世出事狀屬其甥何孟浩致書
周汝清曰妾之夫其平生守道行義今惟廬陵楊先生
知之然其墓未有刻文舍今不圖將終沈沒矣汝清以
告予嘆曰噫士奇之責也其可已乎蔡氏其先閩人後
徙吳又徙鄞之豐樂鄉宋淳熙中雷州海康知縣曰楷

又徙邑之四港君七世祖也曾祖諱茂孫祖諱祥甫父
諱逢時世其儒業累官楚府引禮舍人方正剛介持行
如玉雪最為昭王所重余嘗拜之清姿偉度翛然塵表
於接引後進藹如也母范氏二子長冕次胄即用嚴別
字存存晚號松莊天性孝友蚤從學鄉先生烏斯道立
志堅確勤苦自勵侍父宦遊十餘年其學益進永樂乙
酉以明經舉中浙江鄉試入太學禮科給事中吳福薦
其才行召試以為江西宜春知縣愛其民如子有干憲

度者必誨之使改曰人性皆善若等何為甘自棄也未嘗笞詈其民雖貴簡儉如布素時室中琴一張書數帙而已民戴之如慈父雖饋蔬腹不納一息之暇心恒在民惟恐民之失所也上官有私需於邑未嘗苟從免人誣邑之怨家為姦惡親上官因傳致用嚴蔽匿之罪事既釋丁內艱服闋改餘干知縣所以治其民一如宜春而亦不能得郡之意今吏部尚書郭公奉命巡撫江西考察郡縣吏之廉貪賢否郡言餘干知縣懦於徵科既

考用嚴績下當去民耆老數百人走百里外追及公蹕
訴言數十年餘干令未有廉公愛民如蔡令者公奉命
來柰何枉我仁令言益懇切公嘆曰吾行縣多矣未有
一民頌其令之廉愛者有令如此郡之挾私為詐也復
行百里還餘干更考用嚴績最遂以貪奏黜其郡貳貳
銜用嚴於臬司誣詞連之用嚴至事白貳抵罪用嚴復
任以疾沒於北京之旅次永樂二十年十月二十日也
用嚴務實踐慎交處不事干謁時兵部尚書兼詹事金

忠貴重用事其同邑人也聞用嚴之賢數邀相見卒不赴其介凜凜有父風平居及仕人未嘗聞其叱咤聲其學治經外工詩真書小篆皆有造詣蓋春秋五十有八葬同黃之原其配雅州知州王清之女有賢德無子取側室鄆城儒學訓導徐昇之女皆居喪守節禮度不愆又可以觀用嚴之刑于家也子男一繼童以兄之子為嗣女三陳諸謬還童陳錫其婿也孫男女各一銘曰
顓顓乎持其身也懇懇乎不忍其民也嗟君子兮古之

人哉古之人哉

故中都留守司副斷事致仕康志高墓碣銘

永樂元年中都留守司副斷事廬陵康志高以疾聞命
致其事歸七年春復召至命以致仕官治夷陵州九年
仍命致仕歸十七年十一月初七日卒於家康氏郡故
家其先居金陵唐大理評事如絢之孫國輔娶司馬氏
一乳生三男子文子忠子信俱仕南唐官至將軍而封
國輔京兆伯賜司馬氏姓李封伯夫人子文宋初遷太

和之銅莊世稱三將軍家子文四世至叔達受春秋於
蕭清節先生為荆南掌書記遂歸不仕徙居廬陵生節
為太學錄又三世至雲從志高曾祖也祖逢吉父立道
志高生十一年而喪其父時遭元季之亂奉老母孑弱
弟東西竄伏而共養不乏洪武初有司選補郡學生無
幾喪母哀毀卒未以才舉至京初授知縣職奉使山西
以廉謹稱歸改中都留守司副斷事授承事郎時勲戚
多在中都徃徃怙恩縱恣志高劾奏其甚者一人衆稍

戢而決獄明敏庭無滯訟於讞議必持寬平反死獄數
人改作公署加其舊規下至獄囚飲食涼燠之宜尤盡
心焉持身益嚴名其齋居曰持敬翰林學士劉三吾為
之記有張經歷者始不悅其所為伺隙將中傷之會張
於出內有虧懼志高發之志高外為不知而聽其償補
張始愧服而內交焉衛卒有為盜者召而教之治生之
方曰必務此無徒壞名取僇辱也嘗獲一首盜曰爾能
改行乎對曰能解其縛使捕餘盜盜為衰止有豪猾常

先致賄其官長而後把持之者志高得一人寘諸法餘皆引避去長淮衛軍糧越三十里就給留守司倉志高奏請就衛置倉以便之既以疾聞賜璽書俾致仕時年四十有九後為夷陵益勤於治作興學校獎掖士子禁革貪暴歲餘吏民化服一日有盜猝入掠州市志高聞之曰夷陵豈有盜必安陸劫獄賊也遽檄巡檢司追捕既得果安陸賊先是貧民負租稅久不能償有司迫於期限督責甚急志高曰期不可緩貧民須緩也出公用

鈔代糴以輸而罷遣其民使營以償公同列爭不可志
高曰有罪在我必不以累公等遂自劾而竟亦無事夷
陵於凡徵需率倍出他州民困之志高至具民戶與稅
之數言於府自是凡徵需悉減舊之半祀典壇壝祭器
皆新之夷陵士民愛戴志高皆以為近所鮮有志高諱
鵬志高其字以字行為人倜儻有犯之不屑與校人有
善稱之不厭輕利喜濟施少壯時嘗偕友人至儀真避
逅友人姻家往戍遼東而貧無資輒倒囊授之既而其

人病死又親為治殮而葬之有賈人內粟於邊中鹽數千引而失所給官文書志高得之求賈人歸之賈奉白金為謝不受其致仕家居郡邑長貳數從問政焉必盡心告之蓋春秋六十有七而卒娶王氏克勤內助先三年卒初未有子以從子蘊為嗣既而側室傅氏生子振力學舉鄉貢遂中會試副榜為望江縣學訓導克世其家女四長適夏原輝次適張有常餘在室孫男二顯望女三其葬在儒行鄉清湖之原於是振迹其世出行義

請予為銘銘曰

發之恕施之厚其存之良徵於後兮

族孫溫縣學教諭克述墓碣銘

吾西昌楊氏世業儒累累起詩書致仕宦不乏而行義
皆不愆洪武永樂中升者尤多宣德元年族孫繼舉進
士於鄉而退居家進其學未上予為之喜繼聰敏博記
覽辭采煥發衆屬望之八年會試中副榜得河南溫縣
學教諭時得教職者多不憚繼獨念可自進其學而心

安之又喜焉其行也作詩加勵之後有自河南來咸舉
繼能持已能訓飭學者而身先督之或告余溫寂寞冷
職非其所堪余以書諏之復書云溫土厚俗淳足自適
且寄贈一綈以示未嘗寂寞之意於是余非獨為繼喜
且喜吾宗後來者之有人也而未幾聞繼死為之慟悼
久不已繼為人質實不務外自少嗜學克脩其內行重
義未嘗役其心到官朞年上官皆重之皆心服之一日
其妻死既殮其友為隣邑教官者病殆走人召繼屬後

事繼馳赴之既還悲愴無聊亦得疾數日卒九年十二月二十九也年廿有九遺二女子在溫皆始數歲知縣魏思聰典史柴瞻訓導表志率諸生為治喪事而魏撫育其孤女如子於時巡撫河南侍郎于公謙布政使李公昌祺按察使包公德懷聞繼死皆嗟嘆惜之遣人致奠賻繼字克述吾族兄從晉先生之孫祖母大溪郭氏其父子珮言行淳實見重宗族鄉黨其母銅莊康氏達書理其娶桃源彭氏其子男一憲女二子珮既歸及婦

之襯而葬矣於是而述繼之所為可重可悼者為銘使
刻諸墓銘曰

學之篤行之毅而遽不祿噫

東里續集卷四十一